

遺山文集

五之七

雜言  
樂府  
五言律詩

|      |    |     |    |
|------|----|-----|----|
| 內閣文庫 |    |     |    |
| 函    | 冊  | 號   | 類  |
| 三四   | 一二 | 三五二 | 漢書 |

|      |   |     |    |
|------|---|-----|----|
| 內閣文庫 |   |     |    |
| 函    | 冊 | 號   | 類  |
| 三六   | 一 | 三五二 | 漢書 |

|      |          |      |  |
|------|----------|------|--|
| 內閣文庫 |          |      |  |
| 番號   | 漢        | 3521 |  |
| 冊數   | 12 ( 3 ) |      |  |
| 函號   | 316      | 31   |  |



A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak








遺山先生文集卷第五

淺草文庫

雜言

去歲君遠游送仲梁出山



去歲君遠游。今年客它州。青天萬古一明月。只與  
人生暮愁。問君游何許。情多地遐。巧偏處處。金  
鞵斷。折騏驎死。萬里長鴻。思一舉。憶初識。子梁王

臺。清風入座無纖埃。華嶽峯尖見秋隼。金時玉爪  
不凡材。西園日晴花滿烟。五雲樓閣三山巔。玉樹  
瑤林照春色。青錢白璧賈芳年。三年一夢南陽道。  
汴水迢迢入秋草。拏雲心事人不知。千首新詩怨



枯槁破屋仰見星。踈衾風露清。匣中有長劍。為君  
鳴不平。泥途久辱思。一濯去去舉足皆清冷。鄧州  
大師材望雄。愛客不減竒章公。軍中宴酣笳鼓競。  
銀燭吐焰如長虹。幕中多士君又往。談咲已覺南  
夷空。東州春迴十月後。梅華分香入春酒。平生得  
意欽與京。青眼高歌望君父。浙江南下青沄沄。石  
門細路蒼烟屯。五松平頭白日靜。千山萬山如亂  
雲。菊源不逐時事改。芝嶺自與商顏鄰。他日想思  
一迴首。漁舟時問武陵人。

欽謂欽叔。京即京父也。  
樂天書以微之為微。

此日不足惜

此日不足惜。此酒不可無。頗怪昌黎公。亦復為世  
儒。天生至神物。與人作華昏。一酌古本疆。二酌燥  
吻濡。三酌動高興。四酌色敷腴。連綿五六酌。枯腸  
潤如酥。眼花耳熱後。萬物寄一壺。十酌未渠央。百  
觚亦奚拘。人生一世間。忽若過隙駒。有酒不辭飲。  
問君誰與娛。君不見東家騎鯨李。膽滿三尺軀。萬  
言黃石策。八陣夔州圖。酒酣起舞不稱意。長吁青  
雲指夷吾。又不見西家紫髯郎。老氣雄萬夫。狂歌  
飲燕市。擊筑聲嗚嗚。倚天長劍插少室。頗欲四海  
皆東湖。鷹揚虎視今焉如。河山永隔黃公鑪。啣盃



直待秋井塌。青苔白骨憐君愚。少年覓計生白頭。  
捫參歷井無危途。策不滿睫良區區。就令一朝便  
得八州督。爭似高吟大醉窮朝晡。餘名安得潤枯  
骨。四十豈不知頭顱。此日不足惜。此酒不可無。太  
虛為室月為燭。醉倒不用春風扶。

送希顏赴石西臺廉簡李汾長源

昨日游崧丘。今日西臺行。勞生好夢亦大少。枕中  
馬嘶車鐸鳴。山林之樂無虧成。胡為解蘭縛塵纒。  
蒼生望君須一起。我知無地逃功名。關中得君作  
金成氣象已覺。西山平諸人誰出。仲卿石一座想

為相如。傾風華浩蕩春冥冥。馬頭仙掌遙相迎。長  
安市上見李白。為我一醉秦東亭。

嵩山玉鏡

玉鏡見何許。今日東山陰。積雨洗昏霾。旭日發光  
輝。光輝奪人目。艷艷如動移。初如秋月圓。漸如曙  
星微。曙星不能久。併與晨露晞。此鏡何從來。造化  
秘莫窺。山精或竇氣。恍惚令人疑。誰為問岳崧。山  
川英秀會有歸。不能生申與甫。瑞王國萬丈光芒  
徒爾為。

虎害



北山虎有穴南山虎為群目光如電聲如雷倚蕩  
起伏山之垠百人一飽不留骨敗衣墜絮徒紛紛  
空谷絕樵聲長路無行塵呀呀垂涎口耽耽闕城  
闈天地豈不仁社公豈不神哀哀太山婦呼斷秋  
空雲可憐封使君生不治民死食民世世無復裴  
將軍北平太守今何人

飲酒

江南秋泉雲液濃遼東抹利玉汁鎔柳瓢朝傾荔  
支綠螺盃暮捲瓊珠紅此酒誰所留今日乃汝逢  
仙人一丸藥洗我芥蒂留金沙一散風雨疾世事

盡與浮雲空東家劉伯倫西家王無功醉鄉日月  
萬萬古眼中擾擾誰為雄人曾有歸盡飲不飲所  
同所恨獨醒人百年枯槁中獨醒恨未通獨醉恨  
未公安得清江變醇酎盡迴天地入春風

送高信卿

高卿去歲山中居椽朝粟暮分袂但今年彩衣入  
城市甑中生塵釜生魚文窮智亦窮五鬼更嘯呼  
迺翁延客著上座兩兒已復遭柳榆三冬兔園冊  
牧豎呼語鹿濕薪烟滿眼破硯冰生湏賣符與行  
藥不養堂堂軀無衣思南州千里走單連我嘗相



夫君不是山澤臞十八學擊劍二十了隄符平生  
結交王與李袖中頗有魚麋圖文武志膽誰不如  
不能拔劍斫蛟鱷亦當赤手降於菟胡為堅坐守  
寒饑坐令兒女悲窮途萬事糊塗酒一壺別時聊  
為鼓嚨胡中原麟鳳今如此莫道皇家結網疎

寄趙亘之

趙時在  
廬氏

大城滿豺虎小城空雀鼠可憐河朔州人掘草根  
官糞弩北人南來向何處共說華川今樂土莘川  
三月春事忙布穀勸耕鳩喚雨舊聞抱犢山摩雲  
出蒼稜長林絕壑人迹所不到可以避世如武陵

煮椽當果穀煎木斗飴飭此物足以度荒歲况有  
麋鹿可射魚可曾自我來高前旱乾歲相仍耕田  
食不足又復違親朋三年西去心籠禽念飛騰一  
瓶一鉢百無累恨我不如雲水僧崧山幾來層不  
畏登不得但畏不得登洛陽一昔秋風起羨煞吳  
中張李鷹

段志堅畫龍為劉鄧州賦

豬龍可豢亦可屠世人畫蛇復畫魚天飛忽入阿  
堅筆始覺衆史欺庸愚腥風萬里來白浪橫江湖  
一麾走海若再顧失天吳浩蕩明河翻鳧鬣慘不



濡只愁紙上出雷火搏控大千如此珠苑生神物  
與化俱滅沒變見何所無逆鱗自古不受觸乃今  
縮頭隨卷舒怪得堂堂髯御史平生長有雨隨車  
送詩人秦略簡夫歸蘇墳別業

三月不見君渴心欲生塵論文一樽酒雅道誰當  
陳昨朝見君臨水句乃知抽青配白非詩人南山  
明月北山雲恨君不作由東隣擊鮮為具非無好  
事者天隨杞菊年年新石田茅屋連蘇墳兩兒力  
耕足養親君詩或者昌晚節不應道路長迢迢白  
髮刀騷一幅巾豐年鄉社樂閑身蹇驢馳入醉鄉

去袖中知有眉山春

紀子正杏園燕集

甲午歲

紀翁種杏城西垠千株萬株紅艷新今年寒食好  
天色曉氣鬱鬱含芳津天公自愛此花好朝薰暮  
染煩花神融霞暈雪一傾倒非烟非霧非卿雲未  
開何所似乳兒粉粧深絳唇能啼能笑癡後駭畫  
出百子元非真半開何所似里中處女東家隣陽  
和入骨春思動欲語不語時輕顰就中爛熳尤更  
好五家合隊貌與秦曲江江頭看車馬十里羅綺  
爭紅塵陽平一邑多詩豪主人買酒邀衆賓花時



有成約恨少揚子張吾軍落花着衣紅續紛四坐  
慘澹傷精魂花開花落十日耳對花不飲花應喚  
愛花常苦得花晚爭教行樂無閑身芳苞一破不  
更合旦看錦樹烘殘春

送李參軍北上

五日過居庸十日渡桑乾受降城北幾千里出塞  
入塞沙漫漫古來丈夫淚不灑別離間今朝送君  
行清涕留餘潛生女莫作王明君一去紫臺空珮  
環生男莫作班定遠萬里馳書望玉關我知驥子  
墮地無齊燕我知鴻鵠意氣青雲端草間尺鴉亦

自樂扶搖直上何勞搏一衣敝緼袍一飯茵菹盤  
歲時壽翁媪團欒有餘歡就令一朝便得八州督  
爭似絲衣起舞春欄班去年雒陽人今年指天山  
地遠馬羈破霜重貂裘寒朔風浩浩來客子慘在  
顏扼胡嶺上一回首未必君心如石頑君不見桓  
山烏乳哺不得須臾閑衆鷄一朝散孤雌回顧聲  
悲酸寒鴈來時八九月白頭阿母望君還

王黃華墨竹

為郭輔之賦

古來畫竹尊石丞東坡歛袂不敢評開元石本出  
摹寫燕市駿骨留空名亦有文湖州畫意不畫形



一為坡所賞四海知有簞簞亭深夜幅巾老明經  
老死不敢言縱橫豈知遼江一派最後出運斤成  
風刃發劓雪溪仙人詩骨清畫筆尚餘詩與刑月  
中者竹寫秋影清鏡平明白髮生娟娟略似萱草  
詠落落不減叢臺行千枝萬葉何許來但見醉帖  
字歌傾君不見忠恕大篆草書法趙生怒虎喚墨  
成至人技進不名技游戲亦復通真靈百年文章  
公主盟屏山見之聽且擊聲光舊壑天壤破議論  
今着兒曹輕有物於此鳴不平悲耶嘯耶誰汝令  
只恐破窓風雨夜怒隨雷電上青冥

汎舟大明湖

待杜子不至

長白山前繡江水展放荷花三十里看山水底山  
更佳一堆蒼烟收不起山從陽丘西來青一灣天  
公擲下半玉環大明湖上一盃酒昨日繡江眉睫  
間晚涼一棹東城渡水暗荷深若無路江妃不惜  
水芝香狼籍秋風與秋露蘭襟鬱鬱散芳澤羅襪  
盈盈見微步晚晴一賦畫不成枉着風標誇白鷺  
我時驂鸞追散仙但見金支翠蕤相後先眼花耳  
熱不稱意高唱吳歌叩兩舷喚取樊川搖醉筆風  
流聊與付他年



九月七日愛宇作詩續以末後一句

桃花紅深李花白昨日成團今日折歌聲滿耳何  
處來楊柳青旗洛陽陌拊君背握君手朝鐘暮鼓  
無了期世事於人竟何有青青鏡中髮忽忽成白  
首六國印何如負郭二頃田十載名不及即時一  
盃酒

賦邢州鵲山

去時唐山道望望鵲山背今朝西北看評奇秀益  
可愛蒼茫失層疊解駁見縈帶浮雲自來去盡巧  
寧變壞吳粧入小筆隱隱拂殘黛城隅靜女人不

知擁髮佞顰如有待太行橫載九州半一掩一重  
俱有態只知天平六峯天下稀此山東來亦闕在  
烟埋雨沒今幾時殆天所藏予發之郭熙未足語  
平遠摹寫誰有常郎詩

送王亞夫舉家歸許昌

一日兩食藜藿葵三冬一褐斲與齋監河貸粟困  
欲死望望江水湔塵泥故書一束手自携汴兒跳  
梁翠女啼出門疾走勿反顧正恐五鬼從之西馬  
中豈是無龍媒世人徒如牝牡黃與驪只如黃金  
絡頭亦不惡誰謂茅索能相羈天公醉看百不問



汝隅而偶奇而奇耶遂兀兀黑於漆昨日把笏今  
扶犁乃知世間倚伏不可料井底容有青雲梯春  
風兩淮多鼓鞞軍中少年舞荒鷄因君南望一大  
咲落日澹澹青山低

湧金亭示同游諸君

太行元氣老不死上與左界分山河有如巨鰲昂  
頭西入海突兀已過餘坡陀我從汾晉來山之面  
目腹背皆經過濟源盤谷非不佳烟景獨覺蘇門  
多湧金亭下百泉水海眼萬古留山阿窟沸灤水  
源漪淪晉溪波雲雷逐鬼物窟宅深蛟鼉水妃鼉

弄明月璣地藏發泄天不訶平湖油油碧於酒雲  
錦十里翻風荷我來適與風雨會世界三日湧兜  
羅山行不得山北望空長哦今朝一掃衆峯出千  
鬟萬髻高我我空青斷石壁微茫散烟蘿山陽十  
月未搖落翠蕤雲旂相盪摩雲烟故為出濃淡魚  
鳥似欲留婆婆石間仙人迹石爛迹不磨仙人去  
不返六龍忽蹉跎江山如此不一醉拊掌笑煞孫  
公和長安城頭烏尾訛并州少年夜枕戈舉杯為  
問謝安石蒼生今亦如卿何元子樂矣君其歌

南冠行



南冠累累渡河關，畢連頭白乃得還。荒城雨多秋  
氣重，頽垣敗屋深茅菅。漫漫長夜浩歌起，清涕曉  
枕留餘渚。曹侯少年出紉綺，高門大屋垂楊裏。諸  
房三十侍中郎，獨守殘編北窓底。王孫上客生光  
輝，竹花不實鴟鵂飢。絲桐切切解人語，海雲喚得  
青鸞飛。梁園三月花如霧，臨錦芳華朝復暮。阿京  
風調阿欽才，暈碧裁紅湏。小杜長安張敞號，眉嫵  
吳中周郎知。曲悞香生春動一詩成，瑞露靈芝滿  
窻戶。魚龍吹浪三山沒，萬里西風入華髮。無人重  
典鷓鴣裘，展轉空床卧。秋月寶鏡埋寒灰，鬱鬱萬

古不可開龍劍，出地底。青天白日駭雲雷，層冰千  
里不可留。離魂楚些，招歸來。生不願朝入省，暮入  
臺。願與竹林嵇阮同舉杯，郎食猩猩唇，妾食鯉魚  
尾。不如孟光案頭一杯水，黃河之水天上流。何物  
可煮人間愁，撐霆裂月不稱意。更與倒翻鸚鵡洲，  
安得酒船三萬斛，與君轟醉太湖秋。

醉後走筆

建茶三盃冰雪香，離騷九歌日月光。腰金更騎揚  
州鶴，雋未不羨大官羊。短燈檠于移近床，秋風吹  
簾月轉廊。一歌再歌，魏魏動入眼。渺渺橫沅湘，湘



妃漸遠望不及愈艾翠舞澹飛颺漁父話獨醒孺  
子歌滄浪山鬼獨一脚拊掌笑我旁湘纍歸來弔  
故國遺臺老樹山蒼蒼掩書一太息夜如何其夜  
未央東家女兒綉羅裳銀瓶瀉酒勸客嘗一酌均  
跣顏再酌齊彭殤宇宙不今古氣節無陰陽少年  
避酒不肯喫跬步乃有無何鄉愛茶愛書死不徹  
乃以冰炭貯我腸世間唯有麴生風味不可忘

南湖先生雪景乘驪圖

并引

南湖先生原武人年二十許時曾以鄉  
賦兩魁鄭州然其資侷儻所以自望者

甚高終不樂為舉子計即棄去學擊刺  
當正隆征南頗欲馳逐戎行間既而大  
定詔書下兵各罷歸先生抱利器而無  
所試乃浮湛里社以詩酒自娛買田南  
湖之上築亭種樹徜徉乎其間盡置家  
事日與賓客酣飲歌管棊槊窮日夕不  
少林家故饒財又好施予其赴人之急  
猶疾痛之在已故人尤以此歸之所與  
游如臨洛王逸賓游宗之大定劉之昂  
其人皆天下名士至論人物必曰靖達



鄉今日之奇異子也先生生於天會初  
歷大定明昌泰和優游於太平和樂之  
世者五十年大安兵興乃下世平生喜  
作詩樂府尤有蘊藉觀西子棄瓢詩可  
見也髮鬢蕭颯葶羅秋千古香溪水自流嘗雪中  
吳越兵爭竟何得風流輸與五湖舟  
騎青驪行京水道中作長詩卒章有安  
得西都畫史吮筆出新意寫作南湖老  
子雪景乘驪圖之句其子文煇北渡後  
來東平始以先生之意追畫此圖求僕  
賦詩文煇質直好義讀書作文有聲時

輩中觀其子可以想見先生之為人故  
為道其事并以致懷賢之思

大河茫茫白連空寒雲迢迢度南鴻汴梁高樓管  
絃裏成臯行人西北風北風吹雪來飄瞥捲孤蓬  
異色變慘澹元氣開洪濛襄陽潮陽詩境在掇拾  
物色真難工青驪誰此游望見知是南湖翁南湖  
翁少日骯髒今龍鍾猶能吐氣萬文如長虹閑門  
兀坐意不愜要者銀海翻魚龍寶華世界瓊瑤宮  
江山隨翁入清雄詩成仰天一大笑飛花落絮春  
濛濛鬱鬱梁宋郊翁家出強宗許與必豪右收入



等侯封牧音翁年十八九弄筆學彫蟲疊取兩解魁

隱隱何陰陰一旦拂衣去學劍事猿公正陰適南  
征足馬走從戎墨瓦磨脣鼻意與江流東紫微出  
東方淮海亦來同都將書與劍田間就春農仕宦  
不作邴舅容醉鄉自愛王無功鷄鷓從渠致鐘鼓  
野鶴豈合棲樊籠南湖煙景多魚鳥亦從容亦有  
兩小船綸竿挿舫蓬高亭出秀樾窓戶連青紅清  
飈隨睡輿瞑色赴吟筇門前車馬來日釀日不供  
沮若佳客少馬知清興終看翁棄瓢詩調戲鷓夷  
老子如兒童雄吞已覺雲夢小寒縮寧作書生窮

當年我得奉談咲晝夜肯放清樽空東家西家不  
相從南海北海不相逢風流耆舊今誰似惆悵相  
看是畫中

癸卯歲杏花

南州景氣煖杏花見紅梅讀書山前二月尾向陽  
杏花全未開待開竟不開怕寒貪睡嗔人催愛花  
被花惱不徹一日遶樹空千回牙牙嬌語山櫻破  
稠開成團稀作顆小蕾從教絳螭封繁枝未要晴  
雲裏兩月不舉酒半歲不作詩更教古銅瓶子無  
一枝綠陰青子長相思今年閏年好寒節花開不



妨遲一月

留舡買魚作寒節宋  
方舟先生李知幾語

題劉紫微堯民野醉圖

蒼苔濁酒同歌呼白鬚紅頰醉相扶堯時皇質未  
全散不論朝野皆歡虞望雲雲非雲就日日非日  
先秦迂儒強解事極口譽堯初未識堯民與酒同  
一天此外更誰為帝力仙老曾經甲子年戲將陳  
迹畫中傳山川淳朴忽當眼迴望康衢一慨然不  
見只今汾水上田翁鞭背出租錢堯甲子年仙  
人張果事  
贈荅趙仁甫仁甫名復雲夢  
人江表奇士也  
我友高御史愛君曠以真昨朝識君向所見勝所

聞江國辭客多玉骨無泥塵軒昂見野鶴過眼無  
鷄群想君夜醉潯陽時明日對影成三人散着紫  
綺裘草裹烏紗巾浩歌魚龍舞水伯不敢嗔何意  
醉夢間失脚墮燕秦萬世一旦暮萬里猶北隣世  
無魯連子黑頭萬蟻徒紛紛君居南海我北海握  
手一盃情更親老來詩筆不復神因君兩詩發興  
新都門迴首一大笑袖中知有江南春

下黃榆嶺

北厓玄武暮點黑如積鐵東厓劫火餘絢爛開錦  
纈就中嶺頭一峯凸樸竒剝費寒雲幾千疊摩圍



可望不可到青壁無梯猿叫絕林煙日射彩翠新  
跬步疑有黃金闕畫工曾次墨汁滿那得水壺貯  
秋月直須潮陽老筆迴萬牛露頂張顛揮醉帖石  
門細路無澗泉行人飢渴挽不前辛苦黃榆三十  
里豈知却有省山緣

駟豬行

黃臺張氏在作

沿山蒔苗多費力辦與豪豬作糧食草庵架空尋  
丈高擊板搖鈴鬧終夕狐犬無猛噬長箭不暗射  
田夫睡中時叫號不似駟豬似稱屈放教田鼠大  
於免任使飛蝗半天黑害田爭合到渠邊可是山

中無橡木長牙短喙食不休過處一抹無禾頭天  
明隴畝見狼藉婦子相省空淚流旱乾水溢年  
日會計收成終什一資身百備粟豆中儋石都能  
幾錢直兒童食糜須愛惜此物群豬口中得懸吏  
即來銷稅籍

嘯臺感遇

裴回五岩上浩歌弥激烈望望蟾房翁倒影乍明  
滅地古足靈異祠廢餘像設子規夜啼山竹裂老  
鶴亂踏枯松打嘯臺音響杳不聞蕩蕩青天一明  
月荒山破瓦色十步九窪疊水泉出坦汝一綫僅



不絕翁平何意留此居可是他山無地穴大道既  
下衰日鑿聰明開玉從珪璋毀木以青黃災天和  
散不留去浪無東迴咄咄此老蒼骯髒仰怪魁克  
年生甲子含德如未孩標枝野鹿致足樂火倉屋  
居良所衰史筆亦厚誣何曾校討識與材纏身正  
有一丈髮直以何物觀形骸大笑黃冠師金丹羽  
化之說何從來豈知大人先生獨立萬物表太古  
元氣同胚胎不見今日孫公和橫絕四海隘九垓  
松康養生安在哉

水簾記異

癸卯九月四日  
同杜仲梁賦

黃華絕境探未窮道人曾約山櫻紅鏡臺懸流不  
易得世俗名取香爐峯七亭長路今一到刺鯁欲  
滿平生曾豈知早久泉脉絕快意一濯無由供神  
明自足還舊觀湧浪爭敢微靈通何因狡獪出變  
化勝槩轉盼增清雄天孫機絲拂夜月佛界珠網  
搖秋風稱奇可絕喜欲舞恨不百繞青芙蓉銀橋  
清涼巔玉鏡崧丘東世外果無物邂逅乃一逢書  
生眼孔寒易破勺水已復誇神功東坡拊掌應大  
笑不見蟄窟鞭魚龍

硤谷聖燈

九月五日作



金門寺前山突起并底竇巖三十里舊聞聖燈在  
山上紫微侍郎且不妄山空月黑無人聲林間宿  
鳥時一鳴游人燒香仰天立不覺紫烟峯頭一燈  
出一燈一燈續一燈山僧失喜見未曾金繩脫串  
珠散迸玉丸走拌光不定飛行起伏誰控搏華麗  
清圓自殊勝北荒燭龍開晦冥南極入地多異星  
豈知心光毫相有真遇物外恍惚終難憑腐儒心  
魄為動蕩再拜中庭謝靈貺何曾辨作劉更生下  
照乃辱青藜杖昨朝黃華瀑流神圻憐今朝金門  
佛燈佛作緣紛紛世議何足道盡付馬耳春風前

食榆莢

露葵滑寒羊蕨羶春榆作莢絕可憐榆令人瞑何  
暇計田舍年例須濃煎簫声吹暖賣錫天家人鑽  
火分青烟長鈎矮籃走童稚頃刻綠萍堆蒲煎炊  
飯雲子白剪韭青玉圓一杯香美薦新味何必烹  
龍炮鳳誇肥鮮鼠肝蟲臂萬化途神奇腐朽相推  
遷夢中鸚鵡亦大樂隨意飲啄真飛僊先生捫腹  
一莞然此日何功食萬錢

李峪園亭看雨

龍山右股松十里細路蜿蜒繞龍尾松林迫塞悶



然渠北望玉泉疑井底玉泉元自別一天眼界廓  
廓無神川金城百里終一俯半尖浮圖挿蒼烟行  
行下絕嶽招提忽當眼未到倦不勝小憇遂忘返  
玉泉一杯耳以冽未須張陸誇冰雪主人不在客  
不留烈風崖下風颼颼石頭路滑馬路怯山雨未  
落雲先愁將軍林園永安下秋霽村墟絕瀟洒濃  
雲厭屋風打頭僅得羈御脫疲馬只知龍山之神  
神更神永安亦能撼詩人晦暝變化千萬態畫出  
風雨元非真山靈亦愁歸後夜半面時時見雲罅  
天瓢細洒供晚涼不似草堂迴俗駕層陰一掃群

峯出一洗深青徹山骨夕陽展放紫翠屏只欠松  
梢一輪月中一石迴萬牛况是一壑復一丘不  
如一詩招將入南州先生興來時卧游

游龍山

曩予魏大梁得交此州雷與劉自聞兩公誇南山  
每恨南海北海風馬牛老龍面目今日始一見更  
信造物工雕鏤是時山雨晴平田綠油油並山涼  
氣多况得通深幽山泉谷口出迎客石罅憂擊琳  
琅球蜿蜒入微行漸覺藤蘿罨衣樹打頭惡木拉  
颯棲直幹比指稠石門無風白日靜自是林響寒



颼颼一峯忽當眼仰看者不休一峯一峯千百峯  
雖欲一一顧揖知無由金城偃蹇不得上瑤壑回  
合如相留苔花萬錦石丹碧爛不收天關守虎豹  
武庫閉戈矛小山隨起隨偃仆獨立千仞絕頂縹  
緲之飛樓百花瓣頭藉草坐瀟洒正值金蓮秋亭  
亭妙高臺玉斧何年修燈高攬元化快如鷹脫講  
山靈故為作開闔巧與詩境供真搜白雲何許來  
纖絲弄輕柔蓬蓬作霧湧飄飄與烟浮玉衣仙人  
鞭素蚪翁忽變化令人愁須臾視六合浩蕩不可  
求初疑陶輪北運甃今悟夜壑真藏舟劫石拂未

窮祀國浪自憂斷鰲立極萬萬古爭遣起滅如浮  
漚快哉萬里風一掃天四周誰言太始再開闔日  
馭本自無停輶舉手謝山靈就無清凉毫相非神  
羞賤子貪名山客刺已屢投黃華挂鏡臺天壇避  
秦溝太山神明觀二室汗漫游胷中隱然後有此  
大物便可揮斥八極隘九州玉峯有佳招絕唱須  
一酬為君探囊擲下珊瑚鈎白雲相望空悠悠異  
時華表見老鶴姓字莫忘元丹丘

醉中送陳季淵

寒食不數日天氣殊未佳翩翩金門客行行指龍



汝朝發竹城暮隴隴頭頭地寒無草芽拂雲堆邊  
春更晚雪花茫茫楊白雪紆于山高凍然雀榆葉  
離離小藜薄愛君只欲苦死留不道南飛何所樂  
書生弓馬能幾何乃今寶校金盤阨孔璋文筆妙  
天下敕勒不數陰山歌向年賦竒雨擁海駟雲筆  
頭注快如懷素書布障狂笑剗又寫冰柱李汾王  
鬱俱灰塵天意乃在激陽陳古吐萬里唾一世眼  
高四海空無人殘民假息仍瘡痍誰作東山謝安  
起恨我不比長桑君一月觴君上池水眼中之人  
不易忘誰作冰炭置我賜衰顏明鏡兩寂寞別意

春江誰短長但願年年見顏色與君連日醉壺觴

送戈唐佐還平陽

我從商餘之山過庵羅聞君六經百家富研摩會  
最上指冠巍峩豈肯俯首春官科覃懷變生十載  
後我時避兵方北走通家戈宋共有無行輩許之  
為老友晉州一書君肯來握手大笑心顏開春風  
着人不覺醉快卷更須三百杯鶴骨騫飛法當壽  
况是丹房藥鏡留心久崑崙神泉葭木芝乞與餘  
膏潤衰朽天府學士登瀛洲松頂仙人垂直鉤愛  
君直欲極死留自言世事非所求千古黃金鑛中



淡不獨廬仝并馬異蘇州常郎交分深香山白傳  
金玉音借渠兩詩馮戎心相知非不多但苦心不  
同同心一人去坐覺長安空離愁何從生生從情  
愛中不見行路人拂袖自西東汾流滔滔兮日千  
里青眼高歌吾老矣

寶豐山中有菴羅寺唐佐晉  
徒程內翰天益問學於此

游泰山

泰山天壤間此如鬱蕭臺厥初造化手辦此何雄  
哉天門一何高天險若可階積蘓與累塊分明見  
九垓扶搖九萬里未可誣齊諧秦皇憺威雲茂陵  
亦雄林翠華行不歸石壇滿蒼苔古今一俯仰感

極令人哀是時夏春交紅綠無邊涯竒探忘去聲登

頓意愜自遲回惜無賞心人懽然盡餘杯夜宿玉  
女祠崩奔湧雲雷山靈見光怪似喜詩人來鷄鳴  
登日觀四望無氛霾六龍出扶桑翻動青霞堆平  
生華嵩遊茲山未忘懷十年望齊魯登臨負吟鞵  
孤雲拂層崖青壁落落雲間開眼前有句道不得  
但覺宵次高崔嵬但徠山頭喚李白吾欲徒此觀  
蓬萊

付阿耽誦

昨得商子書知有阿耽名今朝見阿耽驚喜喜復



驚迺翁雅望傾漢庭仕才千石埋九京我知渠孫  
不虛生虎穴生虎子墮地骨骼成舉頭為城尾為  
旌幾人雄猛得寧馨繡衣青春佳御史路人望見  
行且止老夫從旁當說似前日晦道堂前小兒子  
雷動風行自應耳藜藿不采今其始

遺山先生文集卷第五

遺山先生文集卷第六

樂府

天門引

秦王深居不得近從破衝成欲誰信白頭游客困  
咸陽憔悴黃金百竹盡海中仙人黃鵠舉大咲人  
間爭腐鼠丈夫何意作蘇秦六印才堪警兒女古  
來多為虛名老不見阿房淨如掃千年虎豹守天  
門一日牛羊卧秋草

蛟龍引

古劍咸陽墓中得扶開青雲見白日蛟龍地底氣



如虹土花千年不敢蝕洪鑪烈焰初騰精橫海已  
覺無長鯨世上元無倚天手匣中誰解不平鳴割  
城恨不逢相如佐酒恨不逢朱虛尚方未入朱雲  
請盟槃合與毛生俱誰念田文坐中客只將彈鋏  
嘆無魚

湘夫人詠

木蘭芙蓉滿芳洲白雲飛來北渚遊千秋萬歲帝  
鄉遠雲來雲去空悠悠秋風秋月沅江渡波上寒  
烟引輕素九疑山高猿夜啼竹枝無聲墮殘露

湘中詠

楚山鶴鳴風雨秋楚岸猿啼送客舟江山萬古騷  
人國猿鳥無情也解愁西北長安遠於日憑君休  
上岳陽樓

孤劍詠

鬱鬱重鬱鬱夜半長太息吟成孤劍詠門外山鬼  
泣清霜稜稜風入骨殘月耿耿燈映壁君不見一  
飢縛壯士僵卧時自惜黃鵠一舉摩蒼天誰念樊  
籠束脩翼

渚蓮怒

阿溪何許來素面沈風雨寂寞烟中魂依依欲誰語



芳華怨

娃兒十八嬌可憐亭亭裊裊春風前天上仙人玉  
為骨人間畫工畫不出小小油壁車軋軋出東華  
金縷盤雙帶雲裾踏鴈沙一片朝雲不成雨被風  
吹去落誰家少年豈無思澤候金鞍綉帽亦風流  
不然典取鷓鴣裘四壁相如堪白頭金谷樓臺悄  
無主燕子不來花着雨只知環珮作離聲誰向琵琶  
得私語無惜灘泐翡翠兒有情蜂雄蛺蝶鳩勸  
君滿酌金屈卮明日無花空打枝

後芳華怨

江南破鏡飛上天三五二八清光圓豈知汴梁破  
來一千日寂寞菱花仍半邊白汝漫漫車轆轤  
鷄絃中杜鵑哭塞門憔悴人不知枉為珠娘怨金  
谷樂府初唱娃兒行彈棊局平心不平只今雄蜂  
雌蝶兩不死老眼天公如有情白玉搔頭綠雲髮  
玫瑰面脂透肉滑春風着人無氣力不必相思解  
銷骨浴花絕品姚家黃揚州銀紅一國香千圍萬  
繞看不足雨打風吹空斷腸丹砂萬字藥金印八  
州督不及秦宮一生花裏活長門曉夕壽相如儘  
著千金買瘡渴



結楊柳怨

長樂坡前一盃酒鄭重行人結楊柳可憐楊柳千  
萬枝看看盡入行人手輕烟細雨綠相和惱亂春  
風態度多路人愛是風流樹無柰朝攀暮折何朝  
攀暮折何時了不道行人暗中老素衣今日洛陽  
塵白髮明朝塞城草柳色年年歲歲青關人何事  
管離情春風誰向丁寧道折斷柔條莫再生

秋風怨

碧瓦高梧響疎雨坐倚薰籠時獨語守宮一着死  
生休狗走鷄飛莫為女雲間簫鼓夜厭厭禁漏誰  
將海水添一春門外羊車過又見秋風拂翠簾摠  
把丹青怨迺壽不知猶有竹枝盃

歸舟怨

渡頭楊柳青復青閨中少婦動離情只從問得狂  
夫處夜夜夢到洛陽城南風吹櫓聲北鴈鳴嚶嚶  
江流望不極相思春草生

征人怨

瀚海風烟掃易空玉關歸路幾時東塞垣可是秋  
寒早一夜清霜滿鏡中

塞上曲



平汝細草散羊牛，一簇征人在戍樓。忽見隴頭新  
鴈過，一時迴首望南州。

西樓曲

游絲落絮春漫漫，西樓曉晴花作團。樓中少婦弄  
瑤瑟，一曲未終坐長嘆。去年與郎西入關，春風浩  
蕩隨金鞍。今年足馬妾東還，零落芙蓉秋水寒。并  
刀不剪東流水，湘竹年年露痕紫。海枯石爛兩鴛  
鴦，只合雙飛便雙死。重城車馬紅塵起，乾鵲無端  
為誰喜。鏡中獨語人不知，欲插花枝淚如洗。

後平湖曲

越女顏如花，吳兒繫於玉。天教並牆居，不着同被  
宿。美人一笑千金連，城不博百尋心。樓上牆頭  
無一物，暮爨朝齋。一生是秋風，拂羅裳。秋水照紅  
粧，舉頭見郎至。低頭米蓮房，郎心只如菱刺短。妾  
意未覺藕絲長，與郎期何許。眼礙同舟女，春波澹  
澹無盡情。雙星盈盈不得語，十里平湖艇子遲。岸花  
汀草伴人歸，鴛鴦驚起東西去。唯有蜻蜓接翅飛。

汴川行

汴川道邊日欲西，誰家少婦掩面啼。漫漫長路行  
不徹，粉綿鏡衣手自携。自言娼家女，家在梁門東。



夫婿輕薄兒新人不相容憶初在家時只辦放嬌  
慵爺娘惜女如惜玉近耶細看面發紅無端嫁作  
蕩子婦流落棄擲風埃中可憐桃李花顏色嬌蒙  
茸朝看花枝好暮看花枝空安得明珠三百斛重  
簾複幕圍春風

長安少年行

黃衫少年如玉筆生長侯門人不識道逢豪客問  
姓名袖把金鞭側身揖卧馳行橐錦帕蒙石榴壓  
漿銀作筒八月蒼鷹一片雪五花驕馬四蹄風日  
暮新豐原上獵三更歌舞灞橋東

黃金行

王郎少年詩境新氣象慘澹含古春筆頭仙語復  
鬼語只有溫李無他人天公着詩貧子身子曾不  
知乃自神人間不買詩名用一片青衫衡霍重見  
貧女富母兩心何論同袍不同夢入門喚婦不下  
機淚子垢面兒啼飢君詩只有貧女謠何曾夢見  
金縷衣外家翁媪日有語嫁女書生徒爾為昆陽  
城下三更酒醉膽輪困揜星斗一昔詩腸老蛟吼  
十尺長人墮車走斫頭不屈三萬言欲向何門復  
佞首何人壽我黃金十使君破鏡飛上天



隋故宫行

渭川楊柳先得春二月鶯啼百轉新  
長春宮中千樹錦暖日晴雲思煞人  
君王半醉唱吳歌絳仙起舞嘖翠蛾  
吳兒謾說曾行樂三十六宮能幾多  
千秋萬古金銀闕海沒三山一毫髮  
繁華夢覺人不知留得寒蟄泣秋月

解劍行

古劍黑於漆鬱鬱動星文摩挲二十年今日持贈君  
長鯨鼓浪三山沒知君不是泥中物袖間一卷白猿書  
未分持刀買黃犢壯懷風雲鬱沉沉慚媿

漂母無千金長安侏儒飽欲死萬古不解天公心  
北風浩浩吹行客隴水無聲雪花白荆卿墓頭秋  
草乾擊筑行歌欲誰識君不見秦相五殺皮去時  
烹雞炊麩虜又不見敬表蘇季子合從歸來印纍  
纍丈夫隨地自有萬里氣翁忽變化安能知大冠  
如箕望吾子富貴同生亦同死

征西壯士謠

三十未有二十強  
年內地矛丈八長  
物為官家金印大  
不怕百死向沙場  
捉却賀蘭山下賊  
金鞍綉帽好還鄉



望雲謠

涉江采芙蓉芙蓉待秋風登山采蘭若蘭若霜早  
彫美人亭亭在雲霄鬱搖行歌不可招湘絃沉沉  
寫幽怨愁心歷亂如曳蠶金支翠蕤紛在眼春草  
迢迢春波遠

望歸吟

塞雲一抹平如截塞草離離卧榆葉長城窟深戰  
骨寒萬古牛羊飲冤血少年錦帶佩吳鉤獨騎足  
馬覓封侯去時只道從軍樂不道關山空白頭北  
風吹沙雜飛雪弓絃有聲凍欲折寒衣昨夜洛陽

來腸斷空閨搗秋月年年歲歲望還家此日歸期  
轉未涯誰與南州問消息幾時重拜李輕車

梁園春五首

車駕遷汴  
京後作

軍從南去三迴勝雪自冬來二尺強今歲長春多  
樂事內家應舉萬年觴

長春德陵  
誕節名

暖入金溝細浪添津橋楊柳綠纖纖賣花聲動天  
街遠幾處春風揭綉簾  
上苑春濃晝景閑綠雲紅雪擁三山宮墻不隔東  
風斷偷送天香到世間

樓觀沉沉細雨中出墻花木亂青紅朱門不解蔽



春色燕宿鶯喧處處通

雙鳳簫聲隔絳霞宮鶯催賞玉谿花誰憐麗澤門

邊柳瘦倚東風望翠華

龍德宮有玉谿館麗澤燕都西門名

探花詞五首

禁裏蒼龍啓九關殿前鸚鵡喚新班沉沉綠樹鞭

聲遠嫋嫋薰風扇影閑

浩蕩春風入綉鞍可憐東野一生寒皇州花好無

人管不用新郎走馬看

六十人中數少年風流誰占探花筵阿欽正使才

情盡猶欠張郎白玉鞭

李欽用二十七張夢祥少一歲又未婚云

美酒清歌結勝游紅衣先為渚蓮愁曲江共說櫻

桃宴不見西園風露秋

人物風流見藹然逼人佳筆已翩翩龍津春色年

年在莫着新嘶惱必先

獵城南

翩翩游俠兒白馬如足練朝出城南獵暮赴軍中

宴北平有真虎愛惜腰間箭

春風來

春風來時瑤草芳綠池珠樹宿鴛鴦春風去後瑤  
草歇來鴻去燕遙相望鴛鴦不得雙燕鴻天一方



娟娟愁眉色靜與遙山長錦衾復羅薦夢語相思  
怨月明烏夜啼空閨淚如霰

幽蘭

仙人來從舜九疑辛夷為車桂作旂  
疏麻導前杜若隨披猖芙蓉散江籬  
南山之陽草木腓澗崗重  
複人迹希蒼崖出泉懸素霓  
倫然獨立風吹衣問  
何為來有所期歲云暮矣胡不歸  
鈞天帝君清且夷瑤林玉樹生光輝  
自葉中野誰當知霰雪慘慘  
清入肌寸根如山不可移  
雙麋不返夷叔飢飲芳  
食菲尚庶幾西山高高空蕨薇  
露槃無人薦湘纍

山鬼切切雲間悲空山月出夜景微  
時有彩鳳來  
雙棲

梅華

去歲梅華晚今歲梅華早  
和羹要佳實春風莫草草

寶鏡

寶鏡掛秋水青娥紅粉粧  
春風不相識白地斷肝腸

續小娘歌十首

吳兒沿路唱歌行十五五  
扣歌聲唱得小娘相見曲  
不解離鄉去國情  
北來游騎日紛紛  
斷岸長堤是陣雲  
萬落千村藉



不得城池留着護官軍  
山無洞穴水無船單騎駟人動教千直使今年留  
得在更教何處過明年  
青山高處望南州漫漫江水遶城流願得一身隨  
水去直到海底不迴頭  
風沙昨日又今朝踏碎鷓鴣頭路更遙不似南橋騎  
馬日生紅七尺繫郎腰  
鴈鴈相送過河來人歌人哭鴈聲哀鴈到秋來却  
南去南人北渡幾時迴  
竹溪梅塢靜無塵二月江南烟雨春傷心此日河

平路千里荊榛不見人  
大平婚嫁不離鄉楚楚兒郎小小娘三百年來涵  
養出却將沙漠換牛羊  
飢鳥坐守草間人青布猶存舊領巾六月南風一  
萬里若為白骨便成塵  
黃河千里扼兵衝虞虢分明在眼中為向淮西諸  
將道不須誇說蔡州功



遺山先生文集卷第七

五言律詩

懷益之兄

世故伊川嘆鄉情越客音天。宜他日定陸已向來  
沉冉冉愁看老源源事益侵誰言易排遣自分不  
勝任鞭影驚疲馬鐘聲急暮禽蜀中無曠迹喧外  
有幽尋夢失名家筆書存遺子金山田和石瘦茅  
屋過雲深春雨蔬成圃秋霜柿滿林樹陰涼拂席  
花氣澹盈襟宿鷺窺晨汲孤猿伴暝吟溪僧時問  
字野客或知琴抱璞休奇信臨觴得緩斟阿兄團

聚日曾話百年心

○ 汴禪師自斷普照瓦為研以詩見餉為  
和二首

寺廢瓦不毀研奇功亦多已知良斲少更柰苦心  
何挺挺剛無敵津津潤可呵羽陽陵谷變水井字  
書訛贈比黃金璞辭慙紫石歌遙知玉音在洗耳  
俟研磨長吉有紫石硯歌  
點化鈆仍見堅凝鐵易穿何年埋朽壤此日睹青  
天古色秋烟重哀音夜雨懸有刀堪切玉是鏡不  
名塲佛廡淪空劫書林結後緣禪河一勺水更擬



就師傳

○ 惡雨

惡雨惡後惡龍公何遽然  
霆轟水塔碎電掣玉繩  
連高岸皆深谷層霄一漏泉  
黑來疑擁海白散忽成烟  
市響千門合潮頭萬弩穿  
天瓢休盡達上声枯  
早有他年

笑已除夜

鼎定周元重薪安漢已然  
不隨南渡馬虛泛北歸  
船身並枯蜩化心爭脫  
兔先塵埃嗟落薄光景強  
留連往事青燈裏浮心  
白髮前更殘鐘未動猶屬

出京年

○ 病中

病因食猪動氣而作癸卯四月二十一日晨起書

戰勝頗自恃寧知徒外腴  
文章工作崇時運迫摧  
枯止酒嗟何及燒猪本不圖  
膏梁無急變山澤有  
真懼詩信藤條戲方遭鐵  
彈誣去声紅忘後顧鷲  
黑見先驅眩入投床仆晨淹  
伏枕呼萬錢誰嘔泄  
一鬢爾乘除靜伏心仍恹  
深調息亦鹿躅嫌囚字  
宙渴憶捲江湖風柳留蟬  
蛻霜松映鶴孤養和懲  
往失凡名養和事扶老念時須杯杓歸神誓垣墻  
仕佛踰回綸旦垂翅望或在桑榆



○ 綦威卿毅挽辭

東海于門舊，桐鄉邑墓遷。

綦東海人威卿之祖待制公知竹州因家焉

芝蘭固有種，珠玉自成淵。慈母依隣切，名郎獲譽

先。豪華非日損，信厚出天然。諸理言猶訥，持心靜

益專。咲談千里到，咳唾百金捐。論齒推予長，垂髫

得子賢。通家仍孔李，知己與王田。刻責誰斯切，推

扶最所偏。孤孀平日託，昆季再生緣。摧割詩寧寫，

精微夢或傳。都将百年淚，一慟夜臺前。

老樹

老樹高留葉，寒藤細作花。沙平時泊鴈，野迥已攢

鴉。旅食秋看盡，行吟日又斜。于戈正飄忽，不用若

回家

陽翟道中

長路伶俜裏，羈懷莽蒼中。千山分落照，萬籟入秋

風。頻見參旗縮，虛傳朔幕空。故園歸未得，細問北

來鴻

○ 月觀追和鄧州相公席上韻

月觀知名舊，池亭發興偏。露涼驚夜鶴，風細咽秋

蟬。綠泛兵厨酒，紅依幕府蓮。無緣逐清景，空羨飲

中僊



○太室同希顏賦

壯矣崧維岳。盤盤上窈冥。中天瞻巨鎮。元氣有遺  
形。雨入秦川黑。雲開楚岫青。鰲掀一柱在。萬古壓  
坤靈。

○送登封張令西上

罷縣人稱屈。悠悠復此行。渭城秋鴈到。秦嶺暮雲  
平。道路衣從典。風塵劔已鳴。山西多俠客。莫說是  
書生。

方城道中懷山中幽居

枚拙遺時用。年饑與食謀。江山貧士嘆。日月賈胡

留楚客。頻招隱文園。故倦游衡門。有幽事。还我北  
窓秋。

孟州夾灘飲承之御史家

同飲  
叔作

美酒禁愁得。芳梅發興饒。紛紜聊且置。硯磊故須  
澆。鷄黍成前約。于戈有此宵。平生楊大理。惜不預

佳招

雲卿赴召  
五日矣

送曹吉甫兼及通甫

意氣羨君豪。憐君屈騎曹。安能事筆硯。且復混弓  
刀。風雪貂裘暗。關山馬骨高。南飛見鴻鴈。應為惜  
哀勞。



勝槩 三鄉作

勝槩烟塵外，新詩杖履間。偶隨流水去，澹與暮雲還。吾道三緘口，時情一解顏。從今便高卧，已負半生閑。

少室南原

地僻人烟斷，山深鳥語譁。清溪鳴石齒，暖日長藤芽。綠映高佗樹，紅迷遠近花。林間見鷄犬，直擬是仙家。

寄贈龐漢茂弘

之子貪居久，詩文日有功。苦心唯我見，高誼許誰

同萬里虎食肉，一鳴鷄長雄。皇天老眼在，旦暮忽丘中。

洛陽古城曦陽門早出

乘月出曦陽，黎明轉北岡。荒村自鷄犬，長路足豺狼。天地憐飄泊，風霜憶閉藏。微吟許行役，凄切不成章。

聞希顏得英府記室

近得髯參信，知從兔苑游。文星映朱戟，勝槩煖黃樓。進退存中道，功名接上流。徒懷貢公喜，塵土隔瀛洲。



落魄

落魄宜多病。艱危更百憂。雨聲孤館夜。草色故園秋。行役魚鱗尾。歸期烏白頭。中州遂南北。殘息付悠悠。

得姪搏信二首

今日鄜州姪。知從虎穴還。百年陰德在。幾日鬢毛班。隔閣家仍遠。羈棲食更艱。誰憐西北夢。依舊遶秦關。  
魏驛傳家信。坤牛玩吉占。團圓知有望。悲喜亦相兼。過眼書重展。伸眉酒屢添。關河動高興。百遶望

清蟾

阿子始生

四十舉兒子。提孩聊自誇。夢驚松出笋。兆應竹生花。田不求千畝。書先備五車。野夫詩有學。他日看傳家。

長壽新居三首

同仲經賦

地古村墟迥。川迴縣郭斜。蒲池餘老節。菊水引新芽。卜築欣成趣。歸耕覺有涯。迎門顧兒女。今日是山家。

隱去初心在。親朋復此偕。荒田歸別業。高樹表新



齊泉石深三逕風塵限兩崖青山生終日無物寄  
幽懷

昔有姜夫子來家寂寞濱墓田耕已熟碑石字猶  
新詩酒娛中歲山林有外臣三生可信否吾亦記

前身

宣和中姜夢得處士常隱于此墓碣在焉夢得曾上書  
仁宗既老以詩酒自娛竭文說地名白鹿原長壽村也

少林雨中

西堂三日雨氣節變蕭森偃卧復歌卧長吟時短  
吟鐘魚四山靜松竹一燈深重羨禪棲客都無塵  
慮侵

十二月六日二首

俚鬼跳梁久群雄結構宇天機不可料世網若為  
逃白骨丁男盡黃金甲地高閭門隔九虎休續楚  
臣騷

海內兵猶滿天涯歲又新龍移失魚鱉日食闔麒  
麟草棘荒山雪烟花故國春聊城今夜月愁絕未  
歸人

得一飛姪安信

音問他鄉隔存亡此日知夢中憂凍餒意外脫艱  
危避地何嗟及還家敢恨遲衰年吾事了似有鹿  
門期



短日

短日碓聲急、重雲鴈影深、風霜侵晚節、天地入歸心、零落溝中斷、酸嘶爨下音、五年朝與夕、清血幾沾襟、

送母受益自潞府歸崧山

薄俗科名賤、狐生志願違、正須謀獨往、何暇計群飛、泌水真堪樂、荊州况可依、青山吾舊隱、此日羨君歸、

寄程孫鐵安

御史陰功在、孫兒玉不如、已能騎竹馬、想亦愛銀

魚異縣關山閣、衡門骨肉疎、幾時隨阿舅、盡讀水家書、

贈汴禪師

道重疑高、謬禪枯耐、寂寥蓋頭茅、一把繞腹篋、三條趙子曾相問、馮公每見招、風波門外客、無事且相饒、

巳亥元日

五十未全老、衰容新又新、漸梳頭上髮、別換鏡中人、野史終張本、山堂未買隣、不成騎瘦馬、還更入紅塵、



送揚次公兼簡秦彥容李天成  
海國山如染雲堆草易荒時危頻虎穴路絕更羊  
腸吊影雙蓬鬢携家一藥囊殷勤秦與李無惜借  
餘光

發濟源

早曠今年劇他鄉底處歸羸糧失先具涉世本無  
機棄擲烏皮几裴回白版扉殷勤雙語燕媿汝遠  
相依

倪庄中秋己亥

強飲日逾瘦袂衣秋已寒兒童謾相憶行路豈知

難露氣入茅屋溪聲喧石灘山中夜來月到曉不  
曾看

荅潞人李唐佐贈詩

聞道嗟予晚求師愧子賢泥途終自拔璞玉豈虛  
捐書破三千牘詩論二百年文章有聖處正脉要  
人傳

陽興砦

亂石通樵逕重崗擁戍城山川帶溥朴鷄犬見外  
平雨爛汝仍軟秋偏氣自清年年避營馬幾向此  
中行由州入府避騎兵  
奪馬者多由此路



懷粹中

醉解不復寐吟君田舍詩從知石門老未比木庵  
師日月淹書尺江山入鬢絲何因重談咲却似少  
林時

同周帥夢卿崔振之遊七岩 定襄七岩

客路頻年別僧居半日閑同遊盡親舊舉目是家  
山世事風塵外詩情水石間悠然一尊酒落景未  
知還

送崔振之迎家汴梁

老伴不易得殘年唯有閑桑麻一村落鷄犬兩柴

閑楚守能供酒周侯許買山從今釣溪上日日望  
君還

聚僊臺夜飲

未夜留懽席高懷遠市塵月涼衣有露風細酒生  
鱗鄉社情親舊僊臺姓字新殷勤詩卷在長記坐  
中人

續陽平十愛

我愛陽平酒兵厨釀法新百金難着價一錢即醺  
人色笑榴華重香兼竹葉醇為君留故事喚作杏

園春 杏園指紀子正家園為言



送田益之從周帥西上二首

市近厨無肉書香露有蟲深居誰不樂去声兀坐竟

何功天日伸眉後江山洗眼中蓬萊如可到刺借

玉川風

有所謂

一室盆歌後供樵只短僮求凰可無日牧犢未成

翁桂樹春風近楊蕙煖律通明年孟德耀應與伯

鸞東

九月晦日玉村道中

水涸沙仍濕霜餘草更幽烟光截落景山眉露清

秋坐食知何益行吟只自愁隨陽見鴻鴈三嘆惜

淹留

十月四日往關南二首

短日晨光澹高風宿靄澄山寒渾欲雪水涸劣能

冰振厲時何有躋攀倦不勝哦詩聊自遣松液已

杳凝

予方釀松醪當以今日熟故及之

行路見新月獨行還獨謠勞生塵袞袞晚色鬢蕭

蕭野曠無遺穗林疎有墮樵迴頭麥山嶺更覺馬

蹄遙

寄王文德新二首

德新時在汝州

沙際春還去雲頭雨不成興來誰共醉事往獨含



情紫邏留行客黃流隔戍城岸花何處在空憊擢

歌聲

孟津時事

清汝風華地平生記此游酒能千日醉春必萬金

酬攬鏡非遲暮逢花儘滯留只應歌笑處偏欠李

鄜州

欽叔時走鄜州幕官

舊國

舊國分崩久孤兒展省初客衣留手線驛傳失肩

輿夢拜悲兼喜心飛疾亦徐殷勤南去鴈先為到

商於

和仲梁

林影兼秋薄雲陰帶晚涼石潭魚近藻沙渚鴈留

霜咲語無長路登臨豈異鄉一尊堪共醉惜不是

重陽

鴈留霜作含霜

甲辰夏五月積雨十餘日不止遣悶二首

甲子霖霖雨巡簷悶不禁幻泡成實相水樂激哀

音瘴海聞天漏堯年見陸沉鸞飛想雲表癡坐若

為心

南史王景文傳人君貴要但問心若為耳

甲子霖霖雨農郊搏手空排牆寧有禮為壑竟何

功戰蟻侯王上鳴蛙意氣中掃晴應曉夕少忍待

秋風

排牆事見王符論云排牆之壓猶有禮也



陽泉樓雲道院

方外復方外，悠然心迹清。  
開窗納山影，推枕得溪聲。  
川路遠誰到，石田平可耕。  
霜林不嫌客，留看錦崢嶸。

劉子中夢菴

寤寐生與死，幻歟為是真。  
如何夢中境，不屬覺時人。  
朝徹從渠夜，形開亦此神。  
放勤花上蝶，分我漆園春。

丙午九日詠菊二首

秋菊有何好，祗緣風露清。  
花中誰比數，霜後獨鮮明。

明九日惜虛過一尊，還自傾今年病居士吟。  
繞更關情。

几案得新供，小窻幽更宜。  
風霜寧小怯，根撥要深移。  
黃素金行正，芳耳藥品奇。  
三薰復三沐，歲晏與君期。

感事

壯事本無取，老謀何所成。  
人皆傳已死，吾亦厭餘生。  
潦倒封侯骨，淹留混俗情。  
百年堪一嘆，辛苦惜虛名。

酬中條李隱居邦彥



州路限南北相逢今白頭  
蟲沙非故國人物自名  
流學道慙高步留詩惜  
暗投歸秦如有便終伴竹

林游邦彥自關中徒步省其季父於集寧故有竹林之句

送邦彥北行

比數推前輩陪從結後緣  
川塗即睽隔詩酒重留  
連白鶴歸華表青牛得老僊  
秦山好行脚倚杖待

明年

紫微劉文雅有游秦之興故篇中有及

同異丈明秀山行

暮景披橫幅山閒二老同  
雲如愁戍苦雪亦笑詩  
窮古木凍欲折斷崖行復通  
從今胡谷夢時到水

聲中

同姚公茂徐溝道中聯句

路轉川塗闊天低雨氣昏  
綿山連漢壘汾水入并  
門來往頻鞍馬登臨負酒樽  
聯詩強一吹淒絕恐  
銷魂

壬子月夕

明月復明月今年還遠游  
關河動歸興時節重離  
憂老眼耿無寐病身偏覺  
秋遙憐小兒女把酒望

東州

庚子三月十日作



殘夢忘書帙餘寒帶酒杯青銅元懶照白紵更寬  
裁水際時獨往花邊知幾迴殷勤雙語燕應自謝  
家來

七月十六日送馮揚善提領關中三教  
為愛秦中好西遊日苦遲青雲動高興白首得新  
知道在貧何病官閑老更宜相思詩酒社無計與  
追隨

京兆漕司官居三首

符節推通貴江山入勝游名園隨地改高棟與雲  
浮簿領歸閑暇鶯花接獻酬不知秋夜月何似度

公樓

複嶺雲橫野孤峯玉柱天遙知開館日別破見山  
錢夢出紛華外詩來寂寞邊亭中誰舉酒高興相  
悠然

間說梅軒好長吟有所思入簷看瘦影挂月見橫  
枝東閣今千載風流彼一時西游曾有約到日更  
題詩

甲寅正月二十三日故關道中三首

雪碓不得過陽坡如見留林烟常暗澹木葉自颼  
颼齒髮悲行役鶯花惜舊游塵埃與風雨看持幾



時休

千里不易到三冬須少留君情猶晉產去意已雕  
丘遠出每為苦雄夸還自差君心未肯在應待肯  
時休

六十後半十年年添白頭  
稔和詩遣興未覺酒忘  
憂人七因循過元宵塊坐休殷勤行記上今日是  
東州

送閻子實焦和之北上

秦府賢初聚瀛州路不遙謀謨在廊廟物色到漁  
樵布褐豈終隱旌車匪見招春風西黃鵠老眼看

雲霄

庫城

浩浩庫城水岸高知幾尋疎林護懸險絕壁入清  
深跼步無曠迹勞歌惟苦音年年一來此老我亦  
何心

婁生北上

并府虛荒久大城如廢村草茅知世故泉壤隔天  
閻六月甘霖淡一言陰理存明年佩符節知有奉  
春孫

遣興



几案滿書史欣然忘百憂一篇詩遣興三酸酒扶  
頭千載陶元亮平生馬少游但留強健在老矣復  
何求

○八月并州鴈

二卿  
時作

八月并州鴈清汾照旅群一聲驚晚笛數點入秋  
雲滅沒樓中見哀勞枕畔聞南來還北去無計得  
隨君

示白誠甫

之子吟爆竹迺公欣樹萱崑山多美玉江水發初  
源名教有樂地詩書皆雅言通家吾未老倚杖望

高軒

甲寅十二月四日出鎮陽寄宰魯伯

灤水曉光動霸橋詩境同衝寒騎瘦馬認影識衰  
翁長路風聲裏孤城雪意中迴頭歌笑處淒絕意  
何窮

送文生西行

今夜東山月隨人知幾程從軍少年事分守故鄉  
情渭水風露早秦川烟樹平相招有仙掌無計與  
君行

乙卯十一月往鎮州



村靜鳥聲樂山低鴈影遙野陰時澆胡冷雨只飄  
蕭涉遠心先倦衝寒酒易消紅塵忘南北渺渺見  
長橋

遺山先生文集卷第七

